

書名 群書考索續集
五十六卷 正
德十三年建陽
劉氏慎獨書齋
刊本

撰者 宋 章如愚 撰
卷 卷四十二
內容分類 子 類書 彙考 宋
索書號 子部 類書 17
編號 C5930500

卷四十二

彩色首頁1

東洋文化研究所漢籍目錄 編號: C5930500

東洋文化研究所漢籍目錄所藏漢籍善本全文影像資料庫 索書號: 子部 類書 17

漢籍善本全文影像資料庫文本 群書考索續集五十六卷 正德十三年建陽劉氏慎獨書齋刊本

版權所有: 東京大學 東洋文化研究所

使用上的注意事項

河圖象數

河圖洛書
圖者圖
偶其像

經籍

群書考索卷之一

山堂先生章俊卿 編集
建陽知縣區玉 刊行

續集

天一地二天三地四天
五地六天七地八天九
地十天數五地數五五
位相得而各有合天數
二十有五地數三十凡
天地之數五十有五此
所以成變化而行鬼神
也

所究研京東院學化文方東

No.

169

0 1 2 3 4 5 6 7 8 9 10 1 2 3 4 5 6 7 8 9 10

群書考索卷四十二

續集

山堂先生章俊卿編輯

建陽知縣區玉刊行

邑人蕭泗校正

○兵制門

三國養兵

三國養兵

漢末喪亂州牧如劉虞劉焉劉表各守分界坐視成敗者惟籍勸課農桑以自保其或交兵以爭霸者惟籍屯田以足食不然則為二袁取給於桑棧蒲盈而已是故孔明始以乏糧退師終也屯田渭濱為久駐之資不獨孔明為然也吳陸遜先嘗為海昌屯田都尉觀本其後以所在穀少表令諸將增廣田畝吳主父子遂受田與眾均其勞逸又其後也二年吳主遣校尉陳勲將屯田士鑿句容道至通會市作邸閣為積穀之所又呂蒙傳云蒙及其弟寧督統皖城遂賜蒙以尋陽屯田六百元天

孔明屯田於乏糧之後嘗不籍此以為養兵之助也趙充國屯田金城乃獨為後世法或者未詳其故耶神爵元年六月戊申上奏七月甲寅賜書報可往來凡七日也既破先零之衆復受罕开之降乃奏留屯積穀以待其薨自是奏報集議至于再三計得可報乃是年十月之交也是月也非田作時矣明年之春方計口賦田布江入種甫夏五月即請罷兵上可其奏振旅而還是所耕之田猶未及耕耨也尚何積穀之有哉向也奏請屯田如是之篤今也未及積穀即已凱旋何先後之自戾耶意者先零方強宜留屯以待其薨先零敗亡所有無幾宜罷兵以息民也然是特降羗凡三萬五千餘人上方置屬國於金城以處之而不分其黨此非策者也充國胡不留屯為之措畫循用武帝散處降人於邊郡之策耶昔者充國之言曰湟中之數止糴四十萬斛遂致羗人反叛今也留屯積穀維其時矣慮不及此而遽於振旅方欲面陳利害為後人法是不過曰致人之術在於先聲後實而已及置屬國充國止謂羗人不足任此責耳不知是後降羗屢反至于東漢其反益甚遂至有葉涼州之讖中平豈特為平陽使酒而然耶東漢段紀明上疏曰充國作難充國徒令居山煎當亂邊馬接遷之三輔始聚然叛至今為梗是知宣帝光武君臣每事過於武帝獨是一節所不及也

漢承并田既廢之餘養兵之具有司農倉升五後盡在郡國即今所謂秋苗稅也有算賦錢百二供士馬車徒之費即今所謂調也同六十二文入卒更之不役者出平價即今所謂庸也庸錢悉在川郡有屯田有平糴宣帝時景壽昌奏請三輔穀省關東薄又奏有鹽鐵官武帝時之京師水官利工官百工酒酤之利所以田稅獨少矣

三國用兵始末

和帝而下凡八世母后外氏利於立幼主以自專故宦官權倖亦得誅鋤外氏以為已功此禍亂之原也鄭眾誅竇憲王聖陷帝順帝時何進欲復宦官之仇而反召外兵已為張讓董卓來而更立獻帝生方十年曹氏得挾之以令諸侯天下三分漢遂以亡禍亂之極也于斯時也南北單于東西羗黃巾諸盜十去

八九矣內則董卓王允李傕自相屠戮外則牧守諸侯爭為雄長為曹
氏者曰吾次輔漢軍者也為孫氏者曰吾水陸漢賊者也為劉氏者曰
吾興復漢祚者也於是操終身不敢篡漢而其子方得之備權必待山
陽禪魏而後自帝自王此三國所以能鼎峙之勢建安二十五年也若夫劉焉
益州劉璋益州劉表荊州坐觀成敗二表表自稱大將軍呂布公孫贊
妄自尊大無不以興漢為名者隨即消滅是則三國託公以行其私者
即詐力之雄也曹氏詐力兼之故先得奇貨謂漢獻也事見建安元年孫氏詐力次
於曹故保有江南建安六年惟劉元德有用智之志而無其資故得曹最
晚自曹操起兵之初建興元年元德方為平原公孫紹存相又領徐州
牧代陶既降呂布而復歸曹公既歸袁紹而復依劉表在荊州驚日月
之逝乃訪諸葛亮於隆中又二年而始得益州自初至是十九年矣十
九年之中曹公首得荀彧次得荀攸賈詡郭嘉之徒孫氏父子亦有張
昭周瑜魯肅輩元德之所恃者惟關張關將耳自得孔明始於棋枰之
一隅旋成活計復欲謀人非詐力何從而得之惜乎得孔明之晚也孔

明王佐才也規取劉璋未免數計是特可以兼弱攻昧為之辭耳其後
與吳為援者孔明之正也元德既背借荆之德復懷吞吳之志雖與孔
明情猶魚水志未免乎異趣先主殂而孔明始得行其志抑又太
晚矣故自顧慮以來二十一年吳蜀方有合從之勢亮出兵攻祁山駐
漢中摧破曹休于夾石不數年而亮卒年得非天乎然則三國之君皆
以詐力為用兵之法惟孔明未可以是以而例論耳孫權以妹妻先主又
明欲與吳為援而吳亦欲與蜀為援也惟周喻有吞蜀之志若臣各自
異趣所以不能併也然則孫公雖詐力猶有可取者

三國用將

三國用兵雖以詐力而其用人則有間矣凡漢末不幸失身於曹氏者
亦皆羈縻於其詐力之中而不能自為去留爾衡孔融乃欲以氣凌之
以義正之固宜其不免彼有大功於操如二荀者亦且一死一生其餘
庸陋者姑從養養以苟活耳若劉先主則不然非特視關張猶父子孔
明猶魚水也其於許靖法正輩亦皆遇之以誠惜其用兵之疎不及用

人之爲而已至於孫公猶有足爲今日言者吳之人才孰有過於周瑜者始爲春穀長終於南郡太守亞瑜之才者魯肅也始爲贊軍太尉終於漢昌太守代肅之任者呂蒙也蒙嘗爲廣德尋陽令又爲廬江漢昌南郡守繼蒙之後者陸遜也遜嘗領海昌縣事歷宜都零陵江夏南郡守其他如程普黃蓋甘寧徐勝潘璋朱然朱桓賀齊凌統全琮呂範皆智足以御衆勇足以却敵未有不爲守令之職者初未聞有徒勞州縣之嘆也方陸遜大破曹休於夾石復旅過武昌孫公賜以上珍復令還鎮賀齊平丹陽吳歆之寇被命詣在所作樂舞象以寵之復令還鎮是則孫公之用人亦必有道矣三國惟吳獨後亡使孫皓能循故轍不忽陸抗守西門之策猶未易量也蜀丞相亮是太傅格皆主兵周瑜呂蒙西之號皆臨事加之其初不過一守臣爾凡三國職兵各更不必辨

同前

三國之君所以待其臣者如此爲之臣者蓋亦思所以去就之義矣肅實託身非地或者顧以良平目之識者謂其先見猶未及許劭之見

是安足以語良平去就之義諸葛孔明周公瑾皆一世英雄其不事魏明矣劉表近在荊州二子曾不有顧亦置之不足語之域也孔明欲與吳爲援而公瑾乃勸權留備二子志度不無等級使其協謀同力常如赤壁一戰雖百曹氏其如吳蜀何雖然二子之才皆未容輕訾也先漢知兵韓彭衛霍輩大畧皆武夫惟張良從容文義而又未嘗獨將晁盾談兵鋒起遇變輒欲居守馴至貢薛韋康言及兵事則漠然無對東都自光武身兼幾畧而寇鄧祭遵亦文武兩具三國以來其君或橫槊賦詩或觀書俱曉大義其臣或優游談笑於赤壁淝水之戰或輕裘緩帶射不穿札而收平吳之功類皆臨危不懼遭變不迫其視後世處常矢措者相去當幾倍耶豈五行英氣散於天下人才秀發固應若此又何昔之多而今之寡耶抑豈未有以振之必臨事而後見耶愚蓋未知其說也

赤壁逆戰附淝水

孫公謂周瑜曰卿與子敬魯程公名便在前發孤嘗續發爲卿後援避

迄不如意便還就孤當與孟德決之瑜等遂將兵與劉備併力逆操進
與操遇於赤壁操兵大敗是役也可以為東南守禦之法蓋長淮大江
其阻非一晉之入吳吳城望風而奔降驚北來諸將之飛渡由吳主不
能用而孫公則未嘗一日不然也孔明屯田於邊郡而吳之海陽今江
州也海昌今鹽官也是內外郡莫不皆然也又不獨吳主為然也赤壁
之後曹公明年自渦入淮軍合淝開芍陂屯田其後又使朱光屯田廬
江皖城不徒惟是自中平以來曹公以棄祗為都尉以任峻為典農屯
田許下得穀百萬斛於是州郡例置田官所在積穀征伐四方無糧運
之勞是則曹公屯田乃在於破黃巾定許之時蓋不在乎三國鼎峙之
後也是時州郡例置田官亦不止芍陂皖城許下而已也然則孔明何
獨知之晚耶蓋先主與孔明相遇於十九年之後既得蜀復北非魏東
拒吳南平西南夷根本粗立然後出祁山以木牛運出斜谷以流馬運
非固為是巧思不即屯田也蜀之境土狹於吳魏斜谷箕谷單徑千里
非屯田之所也必屯渭濱而後志獲伸耳

晉兵

西晉合離始末

晉之所以能禪魏者由世執魏柄而其所以能吞吳蜀者由晉之君遠
過劉禪之庸孫皓之暴也是故三國交攻時猶六國然外夷安得而進
及三國併而為晉亦猶六國盡入于秦於是天子復與四夷為鄰矣秦
人猶知築長城以限胡籍積威以震殊俗晉武則處羗胡於內地拓跋
劉開父子石勒慕容廆等已在焉郭默許徙內
晉離胡於邊地江統亦作徙戎論帝皆不聽撤州郡之兵備陶璜山濟諫皆
聽秦人猶知以詐力并兼天下故嚴侯而置守晉武不度其所以取魏
者何道而妄欲封建諸王東宮不立賢而立愚驥不立齊王子妃不擇
善裔衛嬖而擇昏荒之文賈充之女身死未幾蕭牆變起無一日寧骨
肉相殘幾無遺類其亂又甚於東都之季矣公卿大夫養恬怙侈賢士
名流清談相尚牧伯無孫曹之智宗盟無元德之志夷狄亂華天下遂
分為南北者三百年由元氣耗極而外邪之所惑者深也吁羊祜進平
吳之策山濤欲釋吳以為外懼吾以是知祐之先見不如濤秦兼六國

隋混南北適為漢唐駭除而晉并三國乃為夷狄之地相去特唯阿爾
然晉氏中興江左尚百餘年秦隋之祚皆不過二世吾以是知柔弱猶
勝於強暴也然則南北朝弱固不能以勝強而強亦不能以吞弱者大
一各皆然歟

東晉與五胡不能相統一

祖逖雍丘 褚裒彭城 桓溫 謝安 謝裕 謝中

西晉一再傳

五十年

而中土淪胥由不能齊其家以治國故雖有混一之

名而無平天下之實也然不以苛政濫刑得罪於臣民故一時忠臣悲
其君之降辱相繼殺身以成名一時義士聞其國之傾覆相與糾合以
興復也元帝植根江表單獨甚矣王道輩翼而振之亦足以成中興之
功自是以來更十一世明成康穆哀海西傳百餘年其君類多冲幼孱
弱其臣類多英毅奮發此東晉雖不能復中原而五胡所以亦不能吞
晉也祖逖雄立之後元帝之黃河以南盡為晉土然未即推鋒越河者
內則有王劉之難外則有石勤張賓與之為敵也逖應妖星之次年勒
亦發天奪張賓之歎此則王厚蘇峻祖約相繼內向彼則二趙相攻凡

六年而後定誠無暇於交兵矣

自趙死祖約退也壽春和鑒退中

豫徐兖之地復入于後趙以惟為境矣陶侃更亮更翼輩雖有志於中
原而未嘗大舉北伐石勒死石虎殺其子而自立是年侃亦卒咸康五
年亮欲北伐以蔡墓議而止緒哀彭城之役穆帝永和蓋乘石鑒石導

之聞而欲收漁人之功也奈何穆帝幼冲時年七歲母后臨朝哀以后父之

尊而無御衆之才桓溫殷浩交相為仇會稽王昱引而哀居其間曾無

調護之方一敗塗地敗於慙恨而卒固其宜也方哀之北伐也蔡謨獨

以為不可未幾而有代陂之敗哀退之次年殷浩再舉北伐王羲之獨

以為不可未幾亦有山桑之敗人皆以二子為知言而不知桓溫之才

非二子之所能料也溫之伐秦也直抵灞上而其伐燕也進據洛陽秣

七年伐燕是舉也中原可復矣其如溫有不臣之心何方溫之至灞上

也咫尺長安而不度灞水王景畧得以窺其量矣溫之據洛陽也枋頭

之敗隨輒失之此符堅所以蔑視晉室人才而銳於一來也曾不知謝

安石昔嘗從容談笑阻桓溫不臣之心今也圍棋賭墅坐却秦師固有

餘矣淝水之役不戰而敗與曹公赤壁之戰同不二三年三謝繼祖亦

與周瑜魯肅之早世也同一轍其何以復中原哉符秦自淝水之敗其國裂為八九更相攻伐生民塗炭者二十三年魏襄陽長安為後秦乞慕容垂援鄴為後燕呂光據姑牧為後涼又其後也孝高揭武關為西涼秃髮烏孤據廉川為南涼沮渠蒙遜據張掖為北涼慕容德據滑臺為南燕馬岌據和川為北燕赫連勃勃拒朔東晉自淝水之勝未及三年三謝既歿孝武引沁門居內殿委政于琅邪王道子安帝即位道子猶存桓元舉兵內向而孫恩盧循之妖賊相繼竊發晉無寧息之日亦二十餘年劉裕奮自草萊內平寇亂外伐燕秦燕超折北秦泓面縛中原已在掌握徒以劉牧之之死而反施以圖晉者所仗無良平之智也愚嘗謂南北強弱變故相當所以不能相統一惟劉裕關中之役為可惜次則止溫灞上之功而已使桓劉能為威文尊周之舉則不失齊晉之封晉氏能使之自取中原且自為守則晉祚其有興矣惜哉
東齊與元魏不能相統到齊之河南滑臺嶺峽並附
東晉中興以後大畧君弱於臣而五胡亦自相吞噬宋齊之初興也大畧臣劣於君而元魏諸君亦足相當天分南北豈偶然哉宋高祖自

中運旆之後不四年而受晉禪是時北方諸國亦併入于元魏十且八九矣魏蘇東夏文帝承高祖之業元嘉之政獨冠江左魏文武帝元明之烈神張之政亦有足稱方到孝之以庸劣之才而規復河南乃與夏人有中分河北之約崔浩以為違難不能俱飛孝之汴河而魏欽成避之俟河水復合乃更取之皆不逃魏君臣之所料不測之海夏人等後兩可而南杜驥失守於金甌尹仲夏等虎牢關之戰亦不測之虞也
是以宋魏不大舉者二十年迨夫王元謨以大言而起文帝封狼居胥之意於是柳元景薛安都擡峭峽而元謨拔滑臺魏太武亦來揚州相與易地此登石頭而望方歎無檀道濟之才彼自瓜步北歸亦已惜崔浩之死又其後也彼有宗愛之逆元嘉二十九年也此有子劭之禍年三十何強弱變故適相契耶宋孝武崩順帝即位時蕭道成自時厥後南北不相攻伐者四十餘年
而彼之主多早世也魏文成帝年二十六為太子所弑蕭齊高祖逆取順守與魏通好魏文貶夷狄之俗脩帝王之制亦初無并齊之心

陽之役實齊明帝建武二年也。此則猜忌而盡戮高武子孫，彼則舍代遷洛，亦將有穆恭陸嚴之變。三建武彼有王肅劉昶為之謀主，而此亦有蕭衍間道以解義陽之圍。又二年，建武魏主南來，迭有勝負。此則房肅舍義陽而救洛陽之急，未幾齊適有喪，明帝而魏亦有穀塘之變。魏王北還自是齊東昏愚而狂暴，魏孝宣弱而信諛，以彼料此，亦足相當。此其所以不能相統一也。

梁陳與魏不能相統一
梁蕭宋洛口韋叡蓋謀原慶之洛陽陳吳明徹淮南彭越

梁武帝自解義陽之圍止，四年而轉齊為梁。嘗觀帝在位四十八年而魏之所更者七主，孝宣懦弱，孝明幼冲，高氏宇文弼為嗣，彭莊惡終，為爾害孝武見逼，所逼高歡魏於是分為東西矣。高氏宇文弼彼更七主，此止一君，此豈不善於彼哉？然蕭寶寅帝讐齊明帝也，助魏而寇梁，猶可也。蕭綜帝子也，亦叛梁而入于魏。蕭正德近親也，既入魏而後歸于梁，太子統以巫蠱而早世，劭陵王綸以愚戇而犯上，武帝之臣子如此，皆其任計數之報也。果何以過於魏哉？彼受寶寅則終亂關中，是時魏之元法僧元

此受侯景則貽禍臺城彼任盧昶輩則此任朱异，彼崇佛法，此則此亦捨身即彼驗此無一不同梁止一君，亦何異於魏之七主哉？是故武帝即位之五年，蕭宏洛口之役，挾數十萬眾怯懦不前，積歲軍資委頓殆盡。為魏元次年韋叡鍾離之役，元英單騎而入梁城，諸軍逐北而至滅水，一勝一負，乃其常也。自是以來，凡二十有二年而後陳慶之有洛陽之勝，其始也易於破竹，其終也削髮逃歸，亦其當也。二十二年為梁將者馬仙韓章康絢張齊裴邃夏侯湛僧智為魏將者元英或爭武興廣陵互有勝負，未嘗深入，惟陳慶之進歸，武帝歿於臺城，止八年而梁轉為陳矣。陳霸先因北齊蕭軌之寇建康也，勇於一戰，因以得國者，由梁末骨肉分布境土，日蹙其權，易移也。高祖文帝在位日淺，誠無暇於北伐。至宣帝時，始謀伐齊，此自梁敬帝時至淮南之役，吳明徹一勝，由北齊高緯所用非人也。用破明下才彭城之役，明徹一敗，由氣盈而不用忠言也。蕭瑒一勝一敗如奕棋然自劉裕關中桓溫霸上之外，大畧皆然。然則何為而然哉？蓋自開關以來，既無左社盡為衣冠之事，則

亦必無衣冠盡為左社之理也中國之君不足以君中國則天以夷狄
擊之夷狄之主不足以主夷狄則天以中國正之爾

六朝兵

六朝掌兵之職

隋志歷叙漢魏至于梁陳百官之制大抵畧同雖梁武帝置戎狄之官
百有餘號並施外國準于中夏亦因漢之四征魏之四安與夫四鎮四
平渡遼陵江之舊也梁有衛尉掌宮門屯兵有左右衛率掌諸營兵有
領軍驍騎等六將軍左右前後四將軍中郎將也騎步騎等五校尉羽
林虎賁等將軍皆分司殿中侍左右即漢之南北軍也吳之大督陸
晉宋之節度諸軍或都督中外諸軍事或都督江北諸軍事亦猶漢之
大將軍太尉周大將軍大司馬之類皆元帥之任也夫六朝皆在偏方
而掌兵之職不減於二漢其名蓋後其實未必皆備者南北相夸率以
為常也隋志又歷叙六朝蒐苗獮狩之制宜造類禡之典見隋書禮志
殆與成周盛時無異至於交攻迭闕惟詐力是恃無復周官司馬法矣

孟子曰春秋無義戰彼善於此則有之如元師之任晉用外戚賈充宋
梁用親王宋用義真等不若晉吳擇能而任之周喻所謂六朝教戰之
法徒具其文亦未必如周喻謝元能以少擊衆也

同前

諸葛孔明魯子敬與其君言無一不酬謝安石內舉其姪女為將帥石
勿度本傳越明年乃有淝水之捷溫嶠陶侃郗鑒輩智勇兼之皆足以
持顛扶危此皆非偶然者也自宋高祖倚仗劉穆之竿櫓之才而文帝
復振迅於王元謨大言之士梁陳之間如韋叡者獨不多得若陳慶之
吳明徹輩回視一國東晉人才蓋劣矣不獨此也宋文帝驅六州民矣
梁武帝用兵動數十萬其與符秦元魏籍民為兵也何異其回視周喻
之三萬謝元之八千又何如哉此南北朝所以一於隋也

南北養兵

三國六朝北伐以乏糧而返者固不少諸葛亮相溫是也祖逖攻劉豹
義祖量王鎮惡取船五胡元魏南寇以乏糧而遁者尚多有之石勒

元英是也劉淵及劉曜以之是故宋元嘉中或借富民僧尼之
取葉倉孟表守淵陽至晉末葉
或城內外官司之俸元魏永泰初亦城冗官之祿或獻親王之給誠
用兵固難而養兵尤不易也嘗觀隋食貨志歷叙東晉至于梁陳皆收
蠻酋賧物珠犀之利州郡任土之賦王公佃戶之稅編民租調之入以
供軍用大抵自侯景之亂國用嘗徧不獲有如吳蜀晉宋行屯之策者
矣至於元魏自永安以後征伐皆謹調於民或斷銷糴粟或
西北齊有都子使以收屯田之利後周有六柱國以給府兵之資於是
宇文高氏兩虎交關如渭曲金墉之戰印山玉壁之戰未嘗聞以兵食
不足為憂者以有屯田府兵之制也然則周齊陳之混一千隋也雖皆
由後裔之昏暴而其用兵養兵之備梁陳反不周齊若矣宋何承天安
邊論所謂二科者和戰是也要在大田淮泗內實青徐庶幾一舉蕩夷
無但遣軍報復也所謂四策者徙新附實內地築城邑募軍課丁使也
宋文帝且不能用其在梁陳益可知矣

隋兵

天下盛強莫如秦隋興亡之易亦莫如秦隋者由以力而不以德也然
而隋文混一南北躬行勤儉屯田置長城之北社倉達華夏之境古今
戶口財賦兵民之盛未有不稱開皇者夫隋之天下即南北朝之天下
也何昔衰而今驟盛耶攷之隋食貨志山東舊俗巧偽避役詐為老稚
規免租賦帝乃令州縣大索貌閱戶口不實者正長遠配而又開相糾
舉之科大功以下並令所籍人自為戶於是丁口倍進然後知其戶口
之盛由搜括剖裂而增之則賦之羨由嚴刑峻罰以聚之而兵民之衆
由駢率丁中而為之也貽謀不善顛覆隨之兵民轉而為盜財貨適為
盜貨矣嗟乎節用愛人本非二道隋文吝儉乃為驕侈之地者由志不
在民故也

隋唐征遼

南北之未一也周齊自與北虜相敵及其既一也隋唐復與四夷為隣
矣然煬帝太宗俱征遼東而廢興不同亦猶秦皇漢武俱伐匈奴乃有

存亡之異者何哉亦顧其所以為民者如何爾嘗因是而觀天地陰陽之運而知中國四夷盛衰之故帝王盛時夷狄維處乎中國有封建以維繫之有教禮以染浹之如陰陽二氣之適中非溫然春和則湛然秋清也自秦以來封建壞而教化不行夷狄之與中國遂有內外之限中國盛則猶陽居大夏而為極暑漢武帝唐太宗是也夷狄盛則猶陰居大冬而為極寒符秦元魏是也是故漢唐盛時皆有無夷狄之心不知降羗已在金城煎當已在三輔胡雛已在關庭何異一陰萌於盛夏乎符秦元魏之盛也皆有無中國之心不知六朝正統未嘗一日不存而唐隴西公_{名虎唐}已在西魏六柱國之列何異一陽生於隆冬乎然則秦隋固可鑒而漢唐亦未可法也惟宋太祖之有天下也有慮夷狄之志而未嘗有無夷狄之心至於女真始也脩貢於建隆而終也犯蹕於靖康此又天地陰陽之一變也要知彼之據中原也必不如元魏之久而此之復版圖也必不如六朝之遂不振也反覆為常夷狄自夷狄中國自中國亦必有時焉爾

群書考索卷四十二畢

群書考索卷四十三

續集

山堂先生章俊卿編輯

建陽知縣區玉刊行

○兵制門
縣丞管韶校正

漢唐兵

漢唐兵皆三變

漢初用都尉兵征伐後用京師兵又其後用州牧之兵唐府兵曠騎藩鎮

唐兵

唐兵志

唐兵之大勢三變其始盛時有府兵府兵後廢而為彍騎彍騎又廢而為方鎮之兵盛矣及其末也強臣擇將兵布天下而天子亦自置兵於京師曰禁軍